

老子新编译解

● 王 埤 译解

● 辽宁古籍出版社

ISBN 7-80507-306-6



9 787805 073064 >

ISBN 7-80507-306-6/B·7

定价: 16.00 元

老子新编译解

王 埤 译解

辽宁古籍出版社

1995年·沈阳

(辽)新登字 14 号

图书在版编目(CIP)数据

老子新编译解/王 埤译解·一沈阳:
辽宁古籍出版社 1995. 7
(中国古代哲学/王埤译解)

ISBN 7-80507-396-6

I. 老...

II. 王...

III. ①. 老子-译文②老子-注释

IV. B223·1

辽宁古籍出版社出版发行
(沈阳市和平区北一马路 108 号)
沈阳市第六印刷厂印刷

1995 年 7 月 第一版 1995 年 7 月 第 1 次印刷

开本:850×1168 1/32 印张:12

字数:250 千字 印数:1—2000

责任编辑:段扬华

版式设计:顾 季

封面设计:刘文斌

责任校对:夏逸尘 付尧

ISBN 7-80507-396-6 B·7

定价:16.00 元

出版说明

《老子》一名《道德经》，乃老子语录，以五千言阐明宇宙至理，言简意赅，博大精深，开千古道家思想之先河，对中华民族发展之影响，历久弥深。

本书为《老子新编校释》之续集，破除前人分章之窠臼，另辟研究《老子》之蹊径。书中包含今译和意解两部分，除选辑先秦、汉晋、唐宋及清末、民初以来各代名家注解作比照外，依作者所编《老子新编》之九章一百十二节，逐字逐句详加评解，对其中众说纷纭迄未定论的“攫鸟猛兽不搏”、“入军不被甲兵”、“民多利器”、“以百姓为刍狗”、“小国寡民”等章节，均作了阐述和评断；特别是对《老子》有关修真导引方面的理论，提出了前所未有的解释，为当前盛行的破译《道德经》、研究中华气功提供了有力地左证。

自序

五千言无非明道耳。

《老子新编》名为分章，实本无章。第一章“明道”，其它八章均为“道之用”。亦明道也。

复州 王 埤

1991年1月23日于大同市

新平旺

目 录

自序	1
老子新编	1
老子新编译解	31
第一章 明道	31
第二章 立德	73
第三章 喻理	120
第四章 善行	159
第五章 警世	221
第六章 治国	234
第七章 用兵	326
第八章 自述	345
第九章 残简	364
后记	369

老子新编

第一章 明 道

一

道可道，非常道；名可名，非常名。无名，万物之始；有名，万物之母。故常无欲也，以观其妙；常有欲也，以观其徼。两者同出，异名同谓，玄之又玄，众妙之门。（旧一章）

二

有物混成，先天地生。（旧二十五章）寂兮若晦，寥兮若无止，（旧二十章）独立而不改，周行而不怠，可以为天地母。吾不知其名，字之曰道。强为之名曰大，大曰逝，逝曰远，远曰反。道大，天大，地大，人亦大。域中有四大，而人居其一焉。人法地，地法天，天法道，道法自然。（旧二十五章）

三

孔德之容，惟道是从。道之为物，惟恍惟惚。惚兮恍兮，其中有象；恍兮惚兮，其中有物；窈兮冥兮，其中有精，其精甚真，其中有信。自今及古，其名不去，以顺众父。
(旧二十一章)

四

视之不见，名曰微；听之不闻，名曰希；搢之不得，名曰夷。三者不可致诘，故混而为一。一者，其上不皦，其下不昧，寻寻兮不可名，复归于无物。是谓无状之状，无物之象。是谓惚恍。随之不见其后，迎之不见其首。执今之道，以御今之域，以知古始，是谓道纪。(旧十四章)

五

天下之物生于有，有生于无。(旧四十章)

六

道盅，而用之又不可盈。渊兮似万物之宗；

湛兮似或存。吾不知谁之子，象帝之先。（旧四章）

七

道生一，一生二，二生三，三生万物。万物负阴而抱阳，中气以为和。（旧四十二章）

八

谷神不死，是谓玄牝。玄牝之门，是谓天地之根。绵绵若存，用之不勤。（旧六章）

九

道泛兮，其可左右也。万物恃之以生而不辞；成功遂事而不名有。衣被万物而不为主，可名于小；万物归焉而不知主，可名于大。（旧三十四章）

十

反者道之动；弱者道之用。（旧四十章）

十一

天地之间，其犹橐籥乎？虚而不屈，动

而愈出。(旧五章)

十二

道之出言，淡兮其无味，视之不足见，听之不足闻，用之不可既。(旧三十五章)

十三

道常，无名，始制有名，名亦既有，夫亦将知止。(旧三十二章)

第二章 立 德

十四

天下有始，以为天下母。既得其母，以知其子；既知其子，复守其母，没身不殆。(旧五十二章)

十五

道生之，德畜之，物形之，器成之，是以万物尊道而贵德。道之尊，德之贵，夫莫之爵而常自然。(旧五十一章)

十六

道生之，德畜之，长之遂之，亭之毒之，养之复之。生而不有，为而不恃，长而不宰，
(旧五十一章) 功成而不居。夫惟不居，是以不去。
(旧二章)

十七

至虚极，守静督，万物并作，吾以观其复。夫物芸芸，各复归其根。归根曰静，静曰复命，复命曰常，知常曰明。不知常，妄作，凶。知常，容。容乃公，公乃全，全乃天，天乃道，道乃久。(旧十六章)

十八

含德之厚者，比于赤子。蜂虿虺蛇不螫，攫鸟猛兽不搏。骨弱筋柔而握固。未知牝牡之含而腴怒，精之至也。终日号而不嘎，和之至也。精和曰常，知常曰明；益生曰祥，心使气曰僵。(旧五十五章)

十九

人之生也柔弱，其死也坚强。草木之生

也柔脆，其死也枯槁。故曰：“坚强者死之徒，柔弱生之徒。”兵强则不胜，木强则折。坚强居下，柔弱居上。（旧七十六章）

二十

天下之至柔，驰骋于天下之至坚。无有，入于无间。（旧四十三章）天下莫柔弱于水，而攻坚强者莫之能先。以其无以易之也。柔之胜刚，弱之胜强，天下莫不知而莫能行。故圣人之言曰：“受邦之诟，是谓社稷之主；受邦之不祥，是谓天下之王。”正言若反。（旧七十八章）

二十一

上士闻道，勤而行之；中士闻道，若存若亡；下士闻道，大笑之。不笑不足以为道。故建言有之曰：“明道若昧，进道若退，夷道若颡。”上德若谷，广德若不足，建德若媮，质德若渝。大白若辱，大方无隅，大器晚成，大音希声，大象无形，大隐无名。夫惟道，善始且善成。（旧四十一章）

二十二

古之善为道者，微妙玄通，深不可识。夫

惟不可识，故强为之容，曰：“豫兮其若冬涉川，犹兮其若畏四邻，俨兮其若客，涣兮其若凌释，沌兮其若朴，浑兮其若浊，旷兮其若谷。”浊而静之，徐清；安而动之，徐生。葆此道者不欲盈。夫惟不盈，故能敝而复成。（旧十五章）

二十三

戴营魄抱一，能无离乎？专气至柔，能婴儿乎？修除玄鉴，能无疵乎？爱民治国，能无为乎？天门开阖，能为雌乎？明白四达，能无知乎？（旧十章）

二十四

上善若水，水善利万物而不争，居众人之所恶，故几于道矣。居善地，心善渊，予善信，正善治，事善能，动善时。夫惟不争，故无尤。（旧八章）

二十五

躁胜寒，淩胜炅，清静可以为天下正。（旧四十五章）

二十六

不出户以知天下，不窥牖以知天道。其出弥远，其知弥少。是以圣人不行而知，不见而明，不为而成。（旧四十七章）

第三章 喻 理

二十七

天下皆知美之为美，斯恶已；皆知善之为善，斯不善已。有无相生，难易相成，长短相形，高下相盈，音声相和，先后相随，恒也。（旧二章）

二十八

飘风不终朝，暴雨不终日。孰为此？天地，而不能久，况于人乎？（旧二十三章）

二十九

三十辐共一毂，当其无有，车之用也；然埴以为器，当其无有，器之用也；凿户牖以为

室，当其无有，室之用也。故有之以为利，无之以为用。（旧十一章）

三十

曲则全，枉则正，洼则盈，敝则新，少则得，多则惑。（旧二十二章）

三十一

大成若缺，其用不敝。大盈若盅，其用不穷。大直若诘，大巧若拙，大辩若讷，大赢若绌。（旧四十五章）

三十二

企者不立，跨者不行，自见者不明，自示者不彰，自伐者无功，自矜者不长。其在道也，曰：“余食赘形。”物或恶之，故有道者不处。（旧二十四章）

三十三

知人者智也，自知者明。胜人者有力也，自胜者强。知足者富，强行者有志，不失其所者久，死而不亡者寿。（旧三十三章）

三十四

善行者无辙迹，善言者无瑕谪，善数者无筹策，善闭者无关键而不可开，善结者无绳约而不可解。（旧二十七章）

三十五

合抱之木，生于毫末；九层之台，起于簣土；千里之行，始于足下。（旧六十四章）图难于其易，为大于其细。天下难事必作于易；天下大事必作于细。是以圣人终不为大，故能成其大。（旧六十三章）

三十六

知者不言，言者不知。（旧五十六章）信言不美，美言不信。智者不博，博者不智。善者不辩，辩者不善。（旧八十一章）

三十七

为学者日益，为道者日损，损之又损，以至于无为。（旧四十八章）